

Jangan berpuas hati dengan perkara yang biasa. Bertolaklah ke tempat yang dalam dan tebarkanlah jalamu untuk menangkap ikan.

Sto. Yohanes Paulus II



Bacaan Injil Harian:

Yesaya 55: 10-11

Mazmu 64: 10-14

Roma 8: 18-23

Matius 13: 1-23

**Perkataan
mingguan**

**Kerja pewartaan
Khabar Gembira
penyelamatan harus
diteruskan**

Dalam bacaan pertama, nabi Yesaya menyamakan hujan dan salji kepada firman Tuhan. Dengan adanya hujan dan salji yang jatuh ke bumi untuk memberi sumber air dan kelembapan kepada tanah yang amat memerlukannya untuk bertumbuh dan menghasilkan tuaian yang besar, demikian juga firman Tuhan, menurut nabi ini, akan melengkapi tujuannya demi menggenapi kehendak Tuhan.

Mazmur juga telah memberi gambaran alam semulajadi dan ciptaan secara menyeluruh. Tuhan begitu peduli kepada bumiNya dan memberi rahmatNya agar padi dapat tumbuh dan dituai hasilnya. Tuhan jugalah yang menyediakan dan menyuburkan tanah yang menghasilkan tanaman berbuah. Bukit-bukit bersukacita, biri-biri meragut rumput hijau di ladang dan lembah dipenuhi hasil tanaman padi gandum. Alam semulajadi dengan sendirinya mewartakan perbuatan Tuhan yang baik.

Tetapi gambaran ini bukan senantiasa indah. Ciptaan mempunyai batasnya dan tidak mungkin senantiasa berkembang dan memberi hasil. Seperti yang dikatakan Santo Paulus, ciptaan ini juga menunjukkan rintihan. Ia juga menantikan penghapusan kekacauan dan pemulihan yang menyeluruh daripada Tuhan dalam cara yang sama umat Kristus menunggu dengan sabarnya dan yakin akan pengharapan dan pada akhirnya semua itu akan membawakan keselamatan kepada seluruh bangsa manusia.

Inilah sebabnya, kerja mewartakan Khabar Gembira penyelamatan harus diteruskan. Dalam perumpamaannya melalui petikan injil, Yesus sering menggunakan perumpamaan berkaitan dengan alam semula jadi untuk membantu para muridNya memahami kenapa pewartaan kerajaan Tuhan harus diteruskan. Mereka tidak seharusnya berasa kecil hati sekiranya tidak melihat hasilnya tetapi harus sentiasa meneruskan penaburan firman Khabar Gembira. Dalam menabur firman Tuhan, kita harus melakukannya dengan penuh ketabahan dan iman. Benih yang ditabur ke tanah yang subur akan membawakan hasil yang amat banyak.

Semoga kita menjadi penabur firman yang beriman. †

Newtbec

NEW WAY OF BEING CHURCH

Hari Minggu Biasa ke-15
Hari Minggu Kesedaran Alkitab



DIUTUS DENGAN KEGEMBIRAAN UNTUK MENYEMBUH



TEMA BULANAN:

**AKU TELAH MENGUTUS
MEREKA KE DUNIA**

MENABUR FIRMAN

Bacaan-bacaan pada Minggu ini penuh dengan imej alam semulajadi. Alam semulajadi secara keseluruhannya bukanlah sesuatu yang pasif tetapi dinamik. Ianya senantiasa berubah. Tak satupun akan kekal sama. Semua yang ada pada alam semulajadi, tidak kira besar atau kecil, kewujudannya mempunyai sebab yang tersendiri, kesemuanya itu saling berkaitan dan melengkapi antara sesama.